

Ordinhad 15:

Y Cyngor: Pwyllgorau

Corff Cymeradwyo:	Y Cyngor
Dyddiad Cymeradwyo:	24 Ebrill, 2020
Newid:	5 Tachwedd 2020 (Newid i Bwyllgorau)
Perchennog y Polisi:	Ysgrifennydd y Brifysgol
Swyddog Polisi:	Pennaeth Llywodraethu a Chydymffurfio
Statws y Polisi:	Newydd
Fersiwn:	1.0
Dyddiad adolygu:	Ebrill 2023

Ordinhad 15: Y Cyngor: Pwyllgorau

1. Mae gan y Cyngor o dan y Siarter, Adran 7, y pŵer i ddarparu ar gyfer sefydlu Pwyllgorau i gynnwys cynrychiolwyr y Cyngor ac unrhyw rai eraill y bydd y Cyngor yn penderfynu arnynt ac i bennu'r dull penodi a swyddogaethau'r Pwyllgorau hynny.
2. Bydd Pwyllgorau'r Cyngor fel isod. Caiff yr aelodau eu penodi gan y Cyngor, a hynny fel arfer trwy argymhelliad y Pwyllgor Enwebiadau a Llywodraethu. Bydd yr aelodau'n gwasanaethu am 3 blynedd a gellir eu hailbenodi ar yr amod eu bod yn parhau i fod yn aelodau o'r Cyngor, oni bai bod hyn wedi'i eithrio yn benodol yng nghyfansoddiad y Pwyllgor.
3. Bydd gan bob Pwyllgor Gadeirydd a benodir gan y Cyngor am gyfnod penodol. Penodir Ysgrifennydd pob Pwyllgor gan Ysgrifennydd y Brifysgol.
4. Rhaid cyflwyno cofnodion pob cyfarfod gerbron y Cyngor.
5. Oni fydd y Cyngor yn gorchymyn yn wahanol, tri fydd cworwm pwyllgor o bum aelod neu fwy, a dau fydd cworwm pwyllgor o lai na phum aelod.
6. Bydd gan bob pwyllgor y pŵer i gyfethol hyd at dri unigolyn nad ydyny yn aelodau o'r Cyngor ac nad oes angen iddynt o reidrwydd fod yn aelodau o'r Brifysgol i wasanaethu ar y Pwyllgor am gyfnod o dair blynedd. Ar ddiwedd y cyfnod hwnnw, caniateir cyfethol am un cyfnod pellach o dair blynedd.
7. Bydd aelodaeth a Chylch Gorchwyl y Pwyllgorau fel y pennir gan y Cyngor.
8. Bydd pwyllgorau sefydlog y Cyngor fel a ganlyn:
 - (a) Pwyllgor Cyllid a Strategaeth
 - (b) Pwyllgor Archwilio a Risg
 - (c) Pwyllgor Iechyd a Diogelwch
 - (d) Pwyllgor Materion y Gymraeg
 - (e) Pwyllgor Enwebiadau a Llywodraethu,
 - (f) Pwyllgor Taliadau
 - (g) Pwyllgor Diswyddiadau